

آبونه شرائطی

ممالك عثمانیه ده سنه لکی (۶۵)، الق
آبونه (۲۵) غروشدور .

ممالك اجنبیه ده سنه لکی (۱۷)، الق
آبونه (۹) فرانقندر .

اداره خانه

باب عالی نجاده سنده دائرة مخصوصه

اخطارات

آبونه بدلی بشندور .

§

مسلكه موافق آثار مع الممنونیه قبول
اولنور . درج ابدلین یازیلر اعاده
اولونغاز .

الشیخ الاسلام

س ۱۳۳۰

دینی، فلسفی، علمی، ادبی، سیاسی هفته لقی مجموعه اسلامیه در.

اخطارات

رساله مزین آلدینی کو-ترملك شرطیه
بتون یازیلر هر هانکی بر غرضه طرفدان
انتباس اولونه بیلیر .

§

مکتوبلرک، امضالرک واضح و اوقوناقلی
اولمسی و آبونه ماره نومردن محترمی
بولونمسی لازمدر .

§

ممالك اجنبیه ایچون آبونه اولانلرک
درسارینک فرانسجه ده یازلمسی دجا
اولنور .

§

پاره کوندرلدیکی، ان له یه تراولدیفلک
واضعا بیلدیرلمسی دجا اولنور .

اتبعون اهدکم سبیل الرشاد

صاحب رمبرمسؤل: ع. اشرف اربیب

والله یمهدی من یشاء الی صراط مستقیم

جلد ۱۱

۱۶ کانون ثانی ۱۳۲۹

نجشنبه

۲ ربیع الاول ۱۳۳۲

عدد ۲۸۱

عالم اسلامک اسباب انقراضی

وچاره صلاحی

محقق در که فاطر حکیم حضرتلری انسانی احسن تقویم اوزره
خلق ایدرک اونی بر چوق خصلتله ایلله مکرم قیلدی؛ اولاضعیف
اولارق خلق ایتیش ایکن بالآخره هیچ بر مخلوقده بولمیان بر
قوت ایلله تجهیز ایدیور؛ خلقتی زماننده هیچ بر شیء بیلمز ایکن
صوکرملری حواس، عقل، نبوت کبی اک ممتاز خصلتله احسان
اولنهرق بونلر ایلله مظهر هدایت اولیور؛ پک فقیر، هر شیء محتاج
اولارق دنیا به کان بو نوع مکرم بالآخره بتون اشیانی فضل الاهی ایلله
کندیسنه مسخر قیلیور؛ بو صورتله کائناتی قبضه تسخیرینه آلآن نوع
انسانی — کندیسنه احسان اولنان حواسک، عقلک، نبوتک کوسترد
یکی طریق طوتهرق — کائناتده ایستدیکی کبی سیر وحرکت ایدیور؛
طبیعتده مکنوز اولان بر چوق شیلری میدانله چیقاریور، سعی نسبتنده
کاشف اسرار طبیعت اولیور. انسان کندیسنه احسان اولنان او قوتلره
استناد ایدرک بو سیرنده علی الدوام کیده جکدر؛ انسان ایلله کائنات
کندیلری ایچون موعود اولان غایه به، بونلر حقنده کی کتاب، کتاب
غیب مکنون ده نهایت ایرنجیه قدر انسانی بو سیرنده توقیف ایده جک
هیچ بر شیء یوقدر .

انسان بو قوتلری حسن استعمال ایتدیجه طبیعتده بیتمک توکنمک
بیلمه ین پک چوق شیلر کشف ایده جکدر. «قل لا یعلم من فی السموات
والارض الغیب الا الله و ما یشعرون ایاں یبعثون» بل ادراک علمهم
فی الآخرة بل هم فی شک منها بل هم منها عمون»

حکمت جلیله الاهی انسانک فردی حیاتی، اجتماعی حیاتیاتک بر
نونه سی قیلدیشدر؛ افراد انسانیه دن هر فرد، ساحه ترقی ده خطوات

تدریجیه ایلله یورور، کائناتده مشاهده ایتدیکی بر چوق حاللردن، هم
جنسده عارض اولان مصیبتلردن آلدینی تجربه و تربیه ایلله حرکت ایدرک
یا علی الدوام ترقی ایدر، یاخود کندیسنه فساد عارضه اولورده سیرنده
توقف کوستریر؛ بو صورتله وادی هلاک یووارلانهرق موته محکوم
اولور .

ایشته افراد بویله اولدینی کبی هیئت اجتماعیه ده بویله در؛ اوده
کتاب کائناتدن آلدینی درسلردن، کندیسندن اول کچن ام و اقوامک
حائندن متأثر اولدینی نسبتده تدریجاً ترقی ایدر؛ یاخود محوم طوغری
سوروکله نیر. بناء علیه کرک افراد و کرک هیئت اجتماعیه نک سعادت، فلاکتی،
حاصلی هر شیئی کندی عمللرینک نتیجه سی در؛ جناب حقک احسان
ایله دیکی قوتلری حسن استعمال ایدرلرسه سعادت ایرلر؛ عکسی صورتده
کندی اللریله فلاکتلری حاضرا ماش اولورلر. «وما ظلمهم الله ولکن
کانوا انفسهم یظلمون» .

انسانلرک بر قسمی حواس ایلله حسنات اوزرینه استعانه ایتدیکی
حالده، بر چوقلری ده حواسی اعمال سیئه اکتسابنه واسطه قیلیور. بعض
اقوام مجرد عقلی سایه سنده اک ائی ایشلری یاغمه موفق اولدینی حالده
بعض ماتلرده بونک عکسنه اولارق عقلی اعمال سیئه ده استعمال ایدیور.
امتلك بر قسمی «دین» ایلله صراط مستقیم بولدینی، طریق هدایت
ایردیکی حالده بر قسمی ده ینه او «دین» ایلله عذاب الیم، فلاکت عظیم
ایچنه یووارلانوب اوراده بوغولیورلر. «وما تفرقوا الا من بعد ما
جاءهم العلم بغیا بینهم». وما اختلف فیہ الا الذین اوتوه من بعد ما جاءهم
الذینات. ولقد ذرانا لجنهم کثیرا من الجن والانس لهم قلوب لا یفقهون
بها ولهم اعین لا یبصرون بها ولهم آذان لا یسمعون بها اولئک کالانعام
بل هم اضل اولئک هم الغافلون»

بزدن اول کچن بعض امتلری دینلری مغرور قیلمش، مجرد

منسوبیت ادعاییه دین کنندیلری هر خصوصده کافل ، هر صیقلدقلمی یرده دینک یازدم ایدجکی زعمنده بوانه رق عملی برافش لردی . بونک نتیجه سی در که وادی انقراضه دوشدیلر ؛ بو خصوصده نه انبیایه اولان انتسابلری ، نه اصفیایه اولان اعتمادلری ، نه ده اولیلاردن وقوعبولان استمدادلری بوزوالیلره ذره قدر فائده ویرمدی . حتی بونلرک : « بز، اللهم بتون علملره تفضیل ایلدیکی ، کندیسیمچون اختیار بیوردینی برقبیلر ؛ جناب حقک کتابی اولان تورات بزم الیمزده در ؛ بزحله تورات... » دیمه لری بیله کندیلرینه فائده ویرمدی . « الم تر الى الذين اوتوا نصيبا من الكتاب يدعون الى كتاب الله ليحكم بينهم ثم يتولى فريق منهم وهم معرضون . ذلك بانهم قالوا لن تمسنا النار الا اياما معدودات و غرهم في دينهم ما كانوا يفترون »

ایشته علم اسلامک مصاب اولدینی بتون مرضلرک اساسی ده غرور فی الدین در ؛ دینک اورته یه قویدینی اساسندن غفلت ایدرک دینی یا کلش ا کلامق ، دینه مجرد منسوبیت ایله افتخار ایتک ، مسلمانم دیمکه هر ایشک اولی ویردجکی زعمنده بولمقد در .

بک چوق عصرلردن بری مسلمانلرک ذهنتده یر طوتان بو فکر سقیم ، تمامیه کندیلرندن اول کچن اقوامک طوتدقلمی طریقک عینی در . بونک ایچون در که اونلرک باشنه کلن فلاکت ، ذلت و محکومیت ایله مسلمانلرده مصاب اولمقد در . حجتنده اتناق اولان شو حدیث شریف نه قدر طوغری در : « لتبعن سنن من قبلکم شبرا بشرو ذراعا بذراع ... » غرور فی الدین ، دینی یا کلش ا کلامق یوزندن دکلی در که : مسلمانلقلریله افتخار ایدن عصر اول مسلمانلری شوکت وسعادتک اوج بالاسنه یوکسکدکلی عددلری اوچیز الی دن فضله اولماقله برابر کندیلر . ندن بیک تات نضاه اولان دشمنلری محو و بریشان ایتدکلی حالده یینه عینی دینه منسوب اولان اوچیز الی میلیون مسلمان ، ذات وسفالت ایچنده پویان اولور ؛ کندیلرندن بک آز اولان خصمملرینک آیاقلری آلتنده آزیلوب طور یورلر . موجودیتلری صارصان حوادث روزمره دن ، هر کون باران کبی اوزرلرینه یاغان مصیبتلردن عبرت آلارق دینلری ، وطنلری مدافعه ایتک ایچون حاضر لانیورلرده قبرلردن ، اولولردن یازدم بکله یورلر ! « اولایرون انهم یفتنون فی کل عام مرة او مرتین ثم لا یتوبون و لاهم یذکرون ... »

عصر اول مسلمانلری بر چوق مملکتلری فتح و استیلا ایدرک کرسی سیاده اوتوردقندن صوکرده در که بتون امراض مسلمینک اساسنی تشکیل ایدن بو سقیم فکر ، غرور فی الدین ؛ میدانه چیقوردی . صوکرده کی مسلمانلر اولیه ظن ایتدیلر که اسلافلرینک بو قدر نعمته غرق اولملری ، خارق العاده ترقیات کوسترملری مجرد اسلامه انتسابلرندن طولایی در .

اونلر اولیه دوشونویورلردی که : مجرد مسلمان اولماق - هیچ چالشمه دن ، جنتلک وجودی اوزمه دن - دنیا و آخرت سعادتنی احراز ایدرز .

کرچه بوفکره خدمت ایدن آئارده یوق دکلدی : وضاعینک ، کذابینک اویدردقلمی بیکارچه حدیلرده اهاالینک ذهنتده بوسقیم فکرک یرلشوب قالمسنه خدمت ایدیور ، بو صورتله « دین » ک ، دنیا و آخرتک اصلاحنه دائر اولان اوامر حقیقه سندن غفلت اولنیوردی . بونک نتیجه سی اولارق ، بیلمدیکمز ، مأمول ایتدیکمز جهتلردن توالی ایدن فلاکتلر ، اوزریمزه یاغان مصیبتلر ایله نه دین قالدی ، نه وطن ! « وماکان ربک لیهلک القری بظلم و اهاها مصاحون » .

فقط نه اولدی ؟ بو قدر فلاکتدن صوکره اولسون مسلمانلر کیتدکلی یولک ، بسله دکلی اعتقادک فنا اولدینی ادراک ایده بیلدیلرمی ؟ خایر ! بو قدر مصیبتلردن متأثر اولوبده قوری قوری به « مسلمانم » دیمه نک دنیاچه اهمیتی اولدینی کبی ، آخرت ایچونده ذره قدر فائده سی اولیه جنتی دوشوندیلرمی ؟ نه کزرا ! هر بریسی نفسلرینه رجوع ایدرک اسلافک نائل اولدقلمی او سعادت ، قوری براعتقاد ایله دکلی ، بلکه چالشمق ایله اولدینی آ کلایه رق دنیا و آخرتده مسعود اولمق ایچون اسلافک شفاعتنه استناد ایتمکدن زیاده اونلرک کیتدکلی طریق مستقیمه سلوک ایتک لازم اولدینی درخاطر ایتدیلرمی ؟ قطعیا !

حضرت خلیل الرحمن ک باباسنه خطابا « لاستغفرن لک و ما املک لک من الله من شیء » قولنی ، جناب پیغمبرک عوجه سی ابوطالبک ایمان ایله کیتمنی او قدر آرزو ایتدیکی حالده یینه موفق اولاماسنی ، کذلک « وأنذر عشیرتک الاقرین » آیت کریمه سی نازل اولدینی زمان « یامعشر قریش اشترؤا انفسکم من الله لاغنی عنکم من الله شیئا . یا بنی عبد مناف لاغنی عنکم من الله شیئا . یا عباس عم رسول الله لاغنی عنک من الله شیئا . یا فاطمة بنت محمد سلینی من مالی مائت لاغنی عنک من الله شیئا . » قول شریفنی اولسون درخاطر ایدوبده اهلی اولدجقه هیچ کیمسه طرفندن نه دنیاده ، نه آخرتده مظهر حمایه اولمایه جقلری ، بناء علیه دنیا و آخرتده مسعود اولمق ایچون بهمه حال اسبابنه توسل ایتک لازم کله جکنی آ کلایه بیلدیلرمی ؟ خایر !

اوت ، اسلافک یاردمی ، شفاعتی ایله دنیاده سعاده ایره رز دیه اعتقاد ایتک ، هیچ دکلی ، حس و مشاهدینی تکذیب در ؛ بو بویه اولدینی کبی آخرتده اونلرک شفاعتی ایله مظهر غفران اولورز اعتقادنده بولمقد در ، قرآن ایله سنتدن یوز جویرمک در . هر تورلو سعادتیزی تأمین ایدن قرآنی ، سنتی بر اقوبده فلانک سوزی ، بیلیمم کیمک اوراد واذکاری ایله احتیاجه قالمشماق جنت دکلد نه در ؟ « ام حسب الذین اجترحوا السیئات ان نجعلهم کالذین آمنوا و عملوا الصالحات سواء محیاهم و مماتهم سواء ما یحکمون »

مسلمانلرک بویه دینی یا کلش ا کلاملری ایله الارنده نه علم قالدی ، نه عقل ، نه ده نه دنیا ! دین حقیقی تحصیل علم ایله ، مملکتک عمران و ترقیسنه چالشمقله ، هر شیئی میزان عقله وورمقله امر ایتدیکی حالده مسلمانز دعواسنده بولنلر جهالت ، سفالت ایچنده پویان اولوب کیدیورلر ؛

اسلامك صلاح بولماسنك اك برنجی ركنی ، عقول بشری او هام و خرافات پاسلرندن تمیزلیه جك اولان توحید خالص در: اوت، مسلمانلر یقیناً بیللمی درلرکه: عبادت واستعانه یالکزالله اولور، اللهدن بشقه سندن معاونت ایسته مک ، قبرلردن ، اولولردن یاردم بکله مک شرک در .

نائیاً : مسلمانلر تیقن ایته لیدرکه : سنن الهیه نه تبدل ایدر ، نه تحول ! هر کیم سنن الهیه ، نوامیس فطریه یه توفیق حرکت ایدر سه سعادت واصل اولور ؛ هر کیم آنک خارجنه چیقارسه هلاک اولور . « ولن تجد لسنة الله تبديلا . ولن تجد لسنة الله تحويلا . . . وان ليس للانسان الا ما سعى وان سعيه سوف يرى ثم يجزاه الجزاء الاوفى »

ثالثاً : مسلمانلر اعتقاد ایتمی درلرکه : امتك مصالحتنه منافی ، یاخود منفعتك اوكنه حائل اولان هر عمل ، مطلقاً دنیا و آخرتده غضب الهی بی موجب در . چونکه مصالحت هر شیئه مقدم در .

رابعاً : صرف دینی بفرقه میدان مجاهده یه آتیلر قولا . عملاً امت اسلامیه یی ارشاد ایتمی : علم . عمل کبی ملتک مابه الحیات اولان شیلره دعوت ایتمی ؛ سعادت و فلاکت یولارینی اکلایه جقلری بر طرزده ذهنلرینه یرلشدیرملی ؛ مسلمانلری دوشد کیری یأس و نومیدی دن تخلیص ایتمک ایچون مجاهده ایتمی . « ولتكن منكم امة يدعون الى الخير ويأمرون بالمعروف وينهون عن المنكر واولئك هم المفلحون »

بز اوقدر مطمئنرکه : کائنات ، کائناتده کی آیات و بینات ، انسانلرک بوزمانه قدر کشف ایتمک کیری ، حتی بوندن صوکره کشف ایده جکلری اسرار طبیعت ، حاصلی کائناتده اولمش واولاجق نه وار ایسه بونلرک هپسیده دین فطری اولان مسلمانلرک بتون ادیان اوزرینه غالب و ظاهر اولمسنه خدمت ایدیورلر . اگر جدی بر صورتده حرکت ایدیلر سه یقین بر آتیده مسلمانلرک پارلایه جفنده شبه یوق در . « ولتعلمن نبأه بعد حين » لکن تحدید ایله تعیین زمان ممکن دکل در . . « سزیه م آیتنا فی الآفاق و فی انفسهم حتی یتبین لهم انه الحق او لم یکف بربك انه علی کل شیء شهید . مثل هذا فلیعمل العالمون ، لکل نبأ مستقرو سوف تعلمون . »

آفسه کیلی احمد محمدی

مسلمانلرکده برملیت وار

[۲]

حضرت مسیحک - بهتان عظیم اولان - الوهینه اینانان ، صلیبه سجده شرک ایله قرآن حکیمی - حاشا - تکذیب ایدن بر خرسیتیان عربیی سهور ، قوجاقلار ، یوقسه جامع شریفده هر هانکی برعنصردن حضرت مسجود ازله جبین سای ایمان و تسلیم اولان بر مؤمنیمی . . . ؟ او ، عرب فقط بر خرسیتیان ، فقط اسلامدن ، دین حقندن روگردان ؛ بو ، تورک ، کورد ، چرکس ، لاز ، کورجی ، تاتار ، بوشناق ، هندو الخ . . . لکن مؤمن و موحد ، مصلی ، مزکی ، صفوف و وحیدین اراسنده اعلائی کلمه الله ایچین محارب ، مجاهد ، غازی ویا شهید .

[۲] باش طرفی ۲۷۹ نجی نسخه ده

ملکتری عمراندن محروم ؛ دین ، دنیا نامنه اورته یه آتیلان برچوق خرافلر ، رذائلر بلا تأمل قبول ایدیور .

فلا کته باقیکنرکه : مجرد عمللرینک جزاسی اولارق بوقدر عقوبته کرقتار اولان مسلمانلر ، حالا بو فلا کتارک حقیقی سبیلرینی تدقیق ایتمک ؛ مرضک موضعی کشف ایدوب لازمکن ادویه یی استعمال ایتمک ایسته میورلر ! هرشیدن مأیوس و نومید اولیورلر ، و دیورلرکه : بونلرک هپسی قیامت علامتی ایمش ! مسلمانلری دوشد کیری کیریودن قورتارمق ایچون چالشمق ، عصیت دینییه و ملیه یی تحریک ایتمک بهوده ایمش ؛ مسلمانلری قورتارمق ایچون کرامات ، خوارق لازم ایمش ، که بونی ده آنحق مهدی یایه بیله جک ایمش . بناءً علیه مسلمانلرک بلنی طوغرو لته بیللمی ظهوری تقرب ایتمش اولان مهدینک کلسنه متوقف ایمش ؛ مهدی چیقمده نه قدر چالیشله بوش ایمش . بونکه برابر مهدی ده یک چوق طور مبه جق ؛ همان دنیایی اصلاح ایدوب کیده جک ، اوندن صوکرده دنیا آت اوست اوله جق مش !

ایشته براعتقاد که : دنیانک هر طرفده بولنان مسلمانلر سرایت ایدرک اصل مسلمانلرک میدان قویدینی پاک عقیده یی زیر و زبر ایدوب بیتیرمش . حال بو که قرآن کریم قیامتک نه زمان اوله جفنی قطعاً بیلدیره مش در ؛ بناءً علیه بز قیامته ، مقدمات قیامته انتظار ایتمکله مأیور دکلر . « یسألونک کأنک خفی عنها قل انما علمها عندالله ولكن اکثر الناس لا یعلمون . »

شو مسرودات بزه کوستریورکه : مسلمانلری بتون ملتزدن کریده براقان امراض اجتماعیه ، بر مرضه رجوع ایدیور که اوده « دینی اولدینی کبی اکلایمق ، یالکزالله اوکا منسوبیتله مغرور اولمق در » مع مافیه بونی تدایوی ایتمک محال ، یاخود متعذرده دکل در . آنحق متعذر اولان بو مرضک بقاسیله مسلمانلرک اصلاحی در .

بو مرضی سوکوب آتق ایچون استعمال ایدیلر جک اولان دوا ، مسلمانلره اصول اجتماع و کائناتده جاری اولان سنن و قوانینه مطابق بر صورتده تعلیم و تربیه کوسترمک ؛ عصر اولدکی مسلمانلرک دینه تمسک ایله ارتقا ایتملری ، دینده کیزلی اولان بر سردن ، یاخود او زمانکی مسلمانلرک ذاتلری جناب حقک سودیکندن دکل ، بلکه دینک ترقی خصوصنده کوسترمش اولدینی یولدن خارجه چیقمادقلری ایچون اولدیفنه اقناع ایتمکدن عبارت در . اوت دین ، عصر اول مسلمانلری سعادت ایدر درمش ایدی ؛ چونکه اونلر دینک کوستردیکی طریق اعتلایی براقیدیلر . صوکره کی مسلمانلرایسه بویولی براقیدیلرندن نتیجه ده بالطبع اوکا کوره چیقدی . ایشه عینی دینه انتساب ایدن انسانلرک اولی سعادت غرق اولدینی حالدده آخرینک فلاکت ایچنده یووارلا مسنک اسبابی بودر . « وخلق الله السموات والارض بالحق ولتجزی کل نفس بما کسبت وهم لا یظلمون . افرأیت من اتخذ الله هواء واضله الله علی علم و ختم علی سمعه وقلبه وجعل علی بصره غشاوة فن یریدیه من بعد الله افلا تذکرون »